



Հարավային Ֆլորիտայի ՀԱՅ ԱՌԱՔԵԼԱԿԱՆ ԵԿԵՂԵՑԻ

Օգոստոս 12, 1985

Գերաշնորհ

Տ. Թորգոմ Արքեպս. Մանուկեան, Առաջնորդ
Հայց. Եկեղեցւոյ Ամբրիկայի Արեւելեան Թեմին
Նիւ Եորք:

Սիրելի Սրբազան Հայր,

Այսու պարտք կը զգամ կարեւոր տեղեկութիւն մը տալու Ձեզի եւ ապա
կարեւոր յիշեցում մը կատարելու:

Երէկ գումարեցինք բացառիկ Եփսոսի ժողով մը 55 անդամներու մաս-
նակցութեամբ եւ մեր նախագահութեամբ ներկայացնելու եւ վաւերացնելու
համար համայնքիս նոր եկեղեցւոյ եւ սրահի շէնքերուն յատկազիծները:
Ուրախ եմ յայտնելու որ գեղեցկօրէն պատրաստուած ճարտարապետական նախ-
ագիծերը միաձայնութեամբ վաւերացուեցան ժողովին կողմէ: Այս շաբաթ
Լման Թղթածրարը կը դրկուի Ձեզի եւ Թեմական Խորհուրդին առ ի քննութիւն
եւ վաւերացում: Մեր խնդրանքն է որ շուտով կատարուին անոնք եւ մենք
կարենանք զանոնք ներկայացնել քաղաքապետարանին, եւ հոյեմբերին սկսինք
շինութեանց: Վստահ եմ պիտի ուրախանաք Լսելով այսքանը, այսքան շուտ:

Յիշեցնելիքս աւ կարեւոր կը նկատեմ: Ամիսներ առաջ գրած էի Ձեր
Սրբազնութեան որ Ձեր միջնորդութեամբ Մինաս Մալումեան արժանի դասնայ
Հայրապետական բարձր գնահատութեան, օրհնութեան սրբատառ կոնդակով մը:
Այս ոչ միայն անհունօրէն պիտի հրճուեցնէ Մինասն ու Արշակոյսը, որոնք
երախտարապտ պիտի մնան լեհաստ Հայրապետին ու Ձեզի, այլ նաեւ սքանչելի
առիթ պիտի հանդիսանայ մեզի համար ապահովելու Մալումեաններէն բացառիկ
նուիրատուութիւն մը նորակառոյց մեր եկեղեցւոյ շինութեան ի նպաստ:
Վստահ եմ որ գնահատուելով Սրբազնագոյն Հայրապետէն, անոնք իսկոյն պիտի
տան առաջօրէն եւ խանդավառ կերպով մեր համայնքի նորակառոյց Ս. Եկեղեցի-
ին: Այս կարեւոր պարագան խնդրեմ մտահատ չընէք եւ ընթացք տաք անոր,
վստահ ըլլալով որ Մինաս Թէ արժանի է եւ Թէ իր բարի տրամադրութեանցը
որպէս արդիւնք համայնքս պիտի օգտուի իր բարեպաշտ ներկայութենէն, նիւթ-
ապէս եւ բարոյապէս:

Բարի ճանապարհ, Սիրելի Սրբազան:

Սիրով, աղօթակից,
Հ. Գրիգոր Կարապետ
Հովիւ